



Inatsisartunut Ilaasortaq Anthon Frederiksen, Partii Naleraq

§ 37 spm nr. 233 vedr. anbringelser uden for hjemmet 2015 KAL

21. september 2015
Suliap nr. 2015-117041
All. Nr. 2039793

Asasara Anthon Frederiksen

Qujanaq apeqqutinnut. Akissutikka ataani takuneqarsinnaapput.

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

1. Meeqqat inuusuttuaqqallu qanoq amerlatigisut angerlarsimaffiup avataanut maannakkorpiaq inissinneqarsimappat?

Angerlarsimaffiup avataanut inissinneqartut amerlassusaannut tunngatillugu kisitsisitigut paasissutissat kingullit 2014-imi apriliip septembarillu qaammataaneersuupput. Kisitsisit kommuninut inissinerillu qanoq issusiinut agguataagaapput.

TAKUSSUTISSIAQ 1: QAASUITSUP KOMMUNIA (2014)

	Kangaatsiaq		Aasiaat		Qasigianguit		Ilulissat	
	Apr	Sept	Apr	Sept	Apr	Sept	Apr	Sept
Inissiinerit								
Ulloq unnuarlu paaqqinnittarfiit Namminersorlutik Oqartussanit pigineqartut	2	0	2	3	1	1	19	23
Namminersortut ulloq unnuarlu paaqqinnittarfiutaat	1	0	2	0	0	0	2	0
Kalaallit Nunaanni ilaqutariinnut inissinneqarsimasut	12	16	20	21	8	8	21	19
DK-mi ilaqutariinnut inissinneqarsimasut	0	0	3	2	0	0	1	0
Katillugit	15	16	27	26	9	9	43	42

Qeqertarsuaq		Uummanaq		Upernavik		Qaanaaq		Katillugit	
Apr	Sept.	Apr	Sept.	Apr	Sept.	Apr	Sept.	Apr	Sept.
2	2	14	8	0	1	13	6	53	44
0	0	1	0	2	0	2	0	10	0
5	5	16	16	7	4	9	9	98	98
0	0	0	0	0	0	1	0	5	2
7	7	31	24	9	5	25	15	166	144

Takussutissiaq 1-imi takuneqarsinnaavoq, Qaasuitsup Kommuniani meeqqat 144-t september 2014-imi angerlarsimaffiup avataanut inissinneqarsimasut. Taakkunannga 68 procentit missaanniittut Kalaallit Nunaanni ilaqutariinnut inissinneqarsimapput, 31 procentit missaanniittut ulloq unnuarlu paaqqinnittarfinnut Namminersorlutik Oqartussanit pigineqartunut inissinneqarsimallutik. Meeqqat marluk inissinneqartut tamarmiusut 1 procentiisa missaanniittut Danmarkimi ilaqutariinnut inissinneqarsimapput.

TAKUSSUTISSAQ 2: QEQQATA KOMMUNIA (2014)

	Maniitsoq		Sisimiut		Katillugit	
	Apr	Sept.	Apr	Sept.	Apr	Sept.
Inissiinerit						
Ulloq unnuarlu paaqqinnittarfiit Namminersorlutik Oqartussanit pigineqartut	4	10	11	4	15	14
Namminersortut ulloq unnuarlu paaqqinnittarfiutaat	4	4	0	4	4	8
Kalaallit Nunaanni ilaqutariinnut inissinneqarsimasut	18	24	26	35	44	59
Ilaqutariinnut inuussutissarsiuutigalugu paarsisartunut inissinneqartut	3	3	0	0	3	3
Katillugit	29	41	37	43	66	84

Takussutissiaq 2-mi takuneqarsinnaavoq Qeqqata Kommuniani meeqqat 84-it september 2014-imi angerlarsimaffiup avataanut inissinneqarsimasut. Taakkunannga 70 procentit missaanniittut Kalaallit Nunaanni ilaqutariinnut inissinneqarsimapput, 17 procentit missaanniittut ulloq unnuarlu paaqqinnittarfinnut Namminersorlutik Oqartussanit pigineqartunut inissinneqarsimallutik. Meeqqat arfineq pingasut, tassa inissinneqartut tamarmiusut 10 procentiisa missaanniittut namminersortut ulloq unnuarlu paaqqinnittarfiutaannut inissinneqarsimapput, sinneri 3 procentit missaanniittut ilaqutariinnut inuussutissarsiuutigalugu paarsisartunut inissinneqarsimallutik.

TAKUSSUTISSIAQ 3: KOMMUNEQARFIK SERMERSOOQ (2014) *

	Nuuk		Paamiut		Tasiilaq		Ittoq.		Katillugit	
	Apr	Sept.	Apr	Sept.	Apr	Sept.	Apr	Sept.	Apr	Sept.
Inissiinerit										
Ulloq unnuarlu paaqqinnittarfiit Namminersorlutik Oqartussanit pigineqartut	52	51	1	3	20	23	-	2	73	79
Namminersortut ulloq unnuarlu paaqqinnittarfiutaat	-	42	-	2	-	18	-	9	71	71
Kommunip ulloq unnuarlu paaqqinnittarfiutaa	-	6	-	-	-	-	-	-	-	6
Kalaallit Nunaanni ilaqutariinnut inissinneqarsimasut	64	75	14	10	76	89	-	5	154	179
Ilaqutariit inuussutissarsiuutigalugu paarsisartut	-	-	-	-	-	4	-	-	-	4
Danmarkimi ilaqutariinnut inissinneqarsimasut	-	3	-	-	-	1	-	1	-	5
Katillugit	116	177	15	15	96	135	0	17	298	344

* Kisitsisinik allaffigineqarsimangitsut tassaapput ilisimatitsissutiginnagu kisitsisit agguaqatigiissinneqarsimasut

Takussutissiaq 3-mi takuneqarsinnaavoq, Kommuneqarfik Sermersuumi meeqqat 344-t september 2014-imi angerlarsimaffiup avataanut inissinneqarsimasut. Taakkunannga 52 procentit missaanniittut Kalaallit Nunaanni ilaqutariinnut inissinneqarsimapput, 23 procentit missaanniittut ulloq unnuarlu paaqqinnittarfinnut Namminersorlutik Oqartussanit pigineqartunut inissinneqarsimallutik. 21 procentit missaanniittut namminersortut ulloq unnuarlu paaqqinnittarfiutaannut inissinneqarsimapput, sinneri 4 procentit missaanniittut kommunit ulloq unnuarlu paaqqinnittarfiutaannut, ilaqutariinnut inuussutissarsiuutigalugu paarsisartunut aamma Danmarkimi ilaqutariinnut inissinneqarsimallutik.

Takussutissiaq 4: KOMMUNE KUJALLEQ (2014)

	Qaqortoq		Narsaq		Nanortalik		Katillugit	
	Apr	Sept.	Apr	Sept.	Apr	Sept.	Apr	Sept.
Inissiinerit								
Ulloq unnuarlu paaqqinnittarfiit Namminersorlutik Oqartussanit pigineqartut	13	11	3	4	2	3	18	18
Namminersortut ulloq unnuarlu paaqqinnittarfiutaat	3	1	3	3	-	-	6	4
Kalaallit Nunaanni ilaqutariinnut inissinneqarsimasut	19	20	18	18	15	10	52	48
Katillugit	35	32	24	25	17	13	76	70

Takussutissiaq 3-mi takuneqarsinnaavoq, Kommune Kujallermi meeqqat 70-it september 2014-imi angerlarsimaffiup avataanut inissinneqarsimasut. Taakkunannga 69 procentit missaanniittut ilaqutariinnut inissinneqarsimapput, 26 procentit missaanniittut ulloq unnuarlu paaqqinnittarfinnut Namminersorlutik Oqartussanit pigineqartunut inissinneqarsimallutik. Sinneruttut 5 procentit missaanniittut namminersortut ulloq unnuarlu paaqqinnittarfiutaannut inissinneqarsimapput.

Meeqqat inuusuttullu katillugit 642-t september 2014-imi angerlarsimaffiup avataanut inissinneqarsimapput. Tassa inuit 18-it inorlugit ukiullit tamarmiusut 4,5 procentiisa missaanniittut.

2. Meeqqanut inuusuttuaqqanullu angerlarsimaffiup avataanut inissiisarfii pi-sortat namminersortullu pigisaat qanoq amerlatigippat? Aamma sumi inissisimappat?

Aningaasanut inatsimmi konto pingaarneq 30.10.37 Namminersorlutik Oqartussat meeqqanut inuusuttunullu ulloq unnuarlu paaqqinnittarfiutaannut tamanut ataatsimoortu-mik konto pingaarneruvoq.

Ulloq unnuarlu paaqqinnittarfiit Namminersorlutik Oqartussanit pigineqartut tassaapput, Meeqqat Angerlarsimaffiat Uummannamiittoq, Sarliaq Ilullissaniittoq, Qasapermiut Sisi-miuniittoq, Pilutaq Sisimiuniittoq, Meeqqat Illuat Nuummiiittoq, Aja innarluutilinnut immik-koortortaartoq Matumik Nuummiiittoq, Røde Kors Børnehjem Nuummiiittoq, Inuusuttut Inaat Qaqortumiittoq aamma ilaqutariinnut immikkoortortaartoq, Prinsesse Margrethes Børnehjem Tasiilamiittoq kiisalu Paaqqinnittarfik isumannaallisagaq Sisimiuniittoq.

Meeqqanut inuusuttunullu ulloq unnuarlu paaqqinnittarfiit qulit Namminersorlutik Oqar-tussanit pigineqartut 162-inut inissaqarput.

Meeqqanik inuusuttunillu ikiorsisarneq pillugu Inatsisartut peqqussutaat nr. 1, 15. april 2003-meersoq konto pingaarneq 30.10.37-mi aningaasaliissutitut inatsisitigut tunnga-vigineqarpoq. § 37-mi meeqqanut inuusuttunullu ikiorsiissutit aningaasalersorneqarnis-saat aalajangersarneqarpoq. Meeqqat inuusuttullu ulloq unnuarlu paaqqinnittarfinnut inissinneqarneranni aningaasartuutit kommuninit akilerneqartarput.

Ulloq unnuarlu paaqqinnittarfiit Namminersorlutik Oqartussanit pigineqartut saniisigut arfineq marlunnik namminersortut ulloq unnuarlu paaqqinnittarfiuteqarput 78-inut inis-salinnik aamma ataatsimik kommune ataaseq ulloq unnuarlu paaqqinnittarfiuteqarpoq qulingiluanut inissalimmik:

Namminersortut ulloq unnuarlu paaqqinnittarfiutaat tassaapput Orpigaq Kangerlussuar-
miittoq, IMP Nuummiittoq, Pitu Nuummiittoq Tasilami immikkoortortaartoq, Mælkebøt-
ten Nuummiittoq, Akilliit Qaortumiittoq, Qaamasoq Nuummiittoq Maniitsumi immik-
koortortaartoq kiisalu Sikkerneq Nuummiittoq. Kommunip ulloq unnuarlu paaqqinnit-
tarfiutaa Tupaarnaq Nuummiippoq.

3. Meeqqanik inuusuttuaqqanillu angerlarsimaffiup avataanut inissiisarnemi pi- sortat aningaasartuutaat ataatsimut katillugit qanoq amerlatigippat?

Nunatta Karsiata kommunillu inissiiffigisanut aningaasartuutaasa takussutissartaat
kingulleq 2014-meersuuvoq, tassani takuneqarsinnaapput kommunit aningaasartuutaat
ilaqutariinnut inissiiffiusunut aamma ulloq unnuarlu paaqqinnittarfinnut agguarneqarnerat
kiisalu inisseeriaatsit marluusut missingersuutini procentitaat.

*TAKUSSUTISSIAQ 5: Kommunini ilaqutariinnut inissiiffiusut aamma ulloq unnuarlu
paaqqinnittarfiit aningaasartuutiginerisa akornanni pissutsit (2011)*

Kommune	Ilaqutariit inissiiffiusut	Ulloq unnuarlu paaqqinnittarfiit	Ilaqutariit inissiiffiusut	Ulloq unnuarlu paaqqinnittarfiit
Kommuneqarfik Sermersooq	15.013.934 kr.	80.133.016 kr.	16 %	84 %
Kommune Kujalleq	3.990.856 kr.	11.735.167 kr.	25 %	75 %
Qeqqata Kommunia	kr. 5.683.000	kr. 30.713.193	15,6 %	84,4 %
Qaasuitsup Kommunia	kr. 9.176.200	kr. 38.357.861	19,3 %	80,7 %
Katillugit / agguaq. procent	kr. 33.834.134	kr. 201.732.318	15,1 %	84,9 %

Najoqqutarisat: Kalaallit Nunaanni angajoqqaarsiaqartitsisarnemik misissueqqissaarneq, Deloitte A/S aamma
Isumaginninnermut Naalakkersuisoqarfik

Nalunaarsugaq: Qaasuitsup Qeqqatalu kommuniinut tunngatillugu kisitsisitigut paasisutissat nalunaarusiap
suliarineqarnerata nalaani pissarsiaasaasimangillat.

4. Meeqqanik inuusuttuaqqanillu angerlarsimaffiup avataanut inissiisarneq ap- pasinnerpaaffissaaniitinniarlugu Naalakkersuisut qanoq iliuuseqalersaarpat?

Ilaqutariit meeqqallu atugarliortut isumaginninnikkut suliniuteqarfigineqartarnerisa pi-
tsanngorsaaffigineqarnissaat siunertarlugu ilaqutariinnut sullissivinnut aningaasa-
liissutaasartut Naalakkersuisunit qaffanneqarput, soorlu ilaqutariinnut højskolertitsi-
sarnermut, qimarnguinnut il. il. suli tapiissuteqartoqartartoq.

Isumaginninnermi politikkeqarnikkut nalinginnaasumik qitiusutut anguniarneqartarpoq
ilaqutariit ingerlalluartut ineriartornerat ikorfartorniarlugu inissiisarnemik pitsaaliuinissaq.
Inersimasut meeraanermi kinguaassiuutitigut innarlerneqarsimanermi kinguner-
lutsitsisut immikkut ittumik katsorsarlugit suliniuteqarfigineqarnerat (angalasartut) anger-
larsimaffiup avataanut inissiisarnep pitsaaliorneqarneranut assersuutit arlallit ilagaat.

Pitsaaliuinemili pingaarnertut suliniuteqarnissaq kommuniiippoq, taakku akisussaaffi-
gaat meeqqat, inuusuttut ilaqutaasullu atugarliortut pillugit iliuuseqarnissaq. Tamanna
pinerusarpoq Meeqqanik inuusuttunillu ikiorsisarneq pillugu Inatsisartut peqqussutaat
nr. 1, 15. april 2003-meersoq naapertorlugu.

Naalackersuisut meeqqanut inuusuttunullu tunngasutigut qitiusutut siunnersuisarfik pilersinniarlugu 2015-imi aallartippaat. Siunnersuisartoqarnermi anguniagaavoq meeqqat inuusuttullu pillugit suliaqarfimmi kommunit siunnersorneqartarnissaat ilitserorneqartarnissaallu. Siunnersuisarfiup kommunit oqaloqatigisassavai aamma kommunini pi-sortat sullissisullu qanoq aaqqissuussaminnik pitsanngorsaasassanersut qanorlu oqartussaaffimmi inatsisitigut isumaginninnermilu piginnaanngorsaasassanersut siunnersortassallugit.

5. Meeqqanik inuusuttuaqqanillu angerlarsimaffiup avataanut inissiisarnermi nalilersuisarnermi periutsit piumasaaqatillu qanoq ittut atorneqarpat?

Inissiiniarluni suliassat Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq naapertorlugu isumagineqarlutillu aalajangiiffigineqartarput, tassa sullissinnermi meeqqap pisariaqartitai qitiutillugit.

Peqqussutip § 6-8-ni meeqqanut tunngatillugu sulianni misissueriaaseq nassuiarneqarput. Misissuinerup inernerissavaa ikiuiniarluni suliniutit aallartinneqarnissaannut tunngavissaqarnerisooq aamma ikiuiniarluni suliniutit suut inassutigineqassanersut pillugit isummernissaq. Isumaginnittoqarfiup inassuteqaataani takuneqarsinnaassaaq ikiuiniarluni suliniutissatut siunnersuummut angajoqqaatut oqartussaasoq qanoq isummersimarnersoq, soorlu aamma meeqqap nammineq isumaa sapinngisamik ilanngunneqarsimasasooq meeqqallu qanoq utoqqaatiginera qanorlu inerissimatiginera aallaavigalugu pingaarnersiutinissaq.

Meeqqap angerlarsimaffiup avataanut inissinneqarnissaa pillugu kommune aalajangiitinnagu suliaq kommunimi oqartussaasoqarfiit assigiinngitsunik suliallit ataatsimiititaanut oqaaseqarfigisassanngorlugu saqqummiunneqassaaq.

Naalackersuisut eqqarsaatigaat misissuiffiusussamik 2016-imi pilersitsinissaq, tassani meeqqat atugarliortut ajornartorsiutaat oqartussaasut assigiinngitsunik suliallit isumaat aallaavigalugit qulaajarneqartassapput. Anguniagaavoq meeqqap timikkut aamma/imaluunniit tarnikkut aamma/imaluunniit inuuniarnikkut ajornartorsiutaasa misissuiffigineqartarnissaat, tassa qanoq iliuuseqartoqarnissaanik aalajangiisoqartinnagu aamma inissinnissap pitsaaliorneqarnissaa siunertaralugu iliuusaasinnaasut qanoq meeqqamut taassumalu ilaqaatanut pitsaanerpaamik iluaqtaasinnaanersut misissorneqartarnissaat.

Inissiisarnernut tunngatillugu misissuiffiusut qulakkiissavaat, ulloq unnuarlu paaqqinnittarfinni perorsaasutut sulisut meeqqat inuunermi tunngavii, ajornartorsiutai nappataalu suunersut kiisalu meeqqap pingaarnertut attaveqaatai il. il. inissiisoqannginnerani ilisimareersimanissaat. Angajoqqaarsianut tunngatillugu tamanna aamma atuutissaaq, soorlu oqartussaasut assigiinngitsunik suliallit misissuinerisigut meeraq angajoqqaarsiaalu imminnut naleqqunnersinneqarsinnaasut, tassa meeraq arlaleriarluni inissinneqannginniassamat.

Inussiarnersumik inuulluaqqusillunga
Med venlig hilsen

Martha Lund Olsen